

四庫全書

集部

欽定四庫全書

水雲村橐卷十

元 劉壘 撰

啟下

代友上太守求辟

凝蘇州燕寢之香承流有偉對藍田驚行之立居攝何
庸昔未契於登龍茲僭希於附驥遂修小楷以叩大鈞
某空抱古心素無竒骨少時鐙火頗睥睨於文場壯日

塵埃竟低徊於俗轍值承蛇之蹂躪隨鴻雁之流離命也奈何心之憂矣國破而山河在歎身寄於異鄉城是而人民非空夢懷乎故宇一行作吏再轉為丞聞之諸老誨言厲以古人事業我心匪石惟履正以奉公衆口鑠金乃為法而受惡肺肝洞見頰舌難爭幸有為推轂之謀俾來試代庖之技吾斯未信若將驚曲於傷弓人亦有言詎可因噎而廢食方重西江涸轍之苦敬為南豐辦香而來見交朋競相勉以新圖謂前政已不該於

舊職昉茲虛席曷勿改弦雖太守不可干無容出位然
真王何用假妄欲正名惠冀陶鎔就加剡奏舍皇甫而
取居易抑又何嫌薦文舉而辟慈明亦知無靳輒忘自
售遂爾長鳴判府以世偉人為郡良牧半符分竹奉行
寬大之書四境耕桑鼓舞治平之政相業將傳于衣鉢
民歌已沸於袴襦方恢夾帑之儲尤軫同袍之念尚私
造化施及么微失一老兵得一老兵儻成身之有望遇
以國士報以國士誓沒齒以無忘

混補中太學謝運使

雪案窮經幾嘆平沈於塲屋星台校士例蒙薦送於橋
門被明君樂育之仁由膚使吹噓之力振衣以謝銜袖
惟恭某陋巷簞瓢窮年鐙火數寸管盈尺紙久無當世
之知六國印二頃田每慨古人之志雖嘗充賓而觀國
未能換骨以成僊鼓瑟於好竽之時不諧已甚戴笠於
乘車之側見棄宜然屬當以喜以懼之年豈無為養為
貧之志然功名路左何翅隔弱水而望蓬萊且幽憂味

深安得夢釣天而遊帝所我之懷矣命也奈何適公朝
之議欲廣羣才舉京師之試悉歸諸道既省買珠之費
孰無獻玉之思來從姑山直上滕閣第知小敵怯大敵
勇何懼萬人傑千人英咸疑寒谷之黍遲忽覺冷灰之
豆爆謹馳榜帖喜動庭闈禮儀三百威儀三千且不孤
於家學初是什三終是什五姑勿恤於浮言意其遂顯
揚之心是以有倖踰之幸孫業鼓篋即為帝學之諸生
教子明經差慰高堂之二老不妨奇特穩趁扶搖都運

侍郎武城名家甘泉法從畫錦行部薦增粉杜之光昕
陞疇庸寵畀松階之峻共惟先正有偉清名魁躔尚見
於輝煌世官克宣於久大茲煩勸駕遄趣歸班致令桑
梓之微亦玷菁莪之數孰云朽腐忽爾神奇某敢不騰
跼天庠激昂風節舉幡叱六館士慨想何蕃之忠弄筆
貽三子羞敢負盱江之訓

謝廟堂給假

元宰施恩曲憐羈困孤生銜恤暫釋縶維還家遂負土

之情出命由轉鈞之造惠均存沒感極高深伏念某志
攀龍鱗福輕蟬翼強支衰冷門戶頗思激昂欣際清明
朝廷存叨啟擬忽自天而擿福誠無地以訴冤集的騰
章披襟受責方風濤飛千仞而上殆性命寄半縷之間
所幸天王明聖公卿篤厚顧朝綱關係雖重違霜簡之
言及造化斡回止近徙春臺之境然受譴固非荒遠難
居之所而抱痛則異尋常負戾之人當其雷霆震驚聞
者為之落膽俄而滄漚淪斷愴然幾致殞身禍機交迫

乎一時逆境真成於萬狀使至此極不如無生几筵長
辭舉室皆爲掩泣哀經赴貶行路莫不興哀回首三年
冥心一默虺蜉援絕分永棄於縶囚烏鳥情鍾痛未安
於卜兆流涕歎青山之遠撫膺嗟素鞵之終恭惟廟堂
寬繩束以待謫籍載在禋赦許謁告以葬親喪陳情甫
徹於六符予假訖寬於三月方將披荆榛而營冢隧植
松檟以蔽阡原遼東之鶴來歸渾疑夢裏巴西之麋獲
放永戴恩私惟公所施與宋無極茲益大丞相身佩軍

國手運乾坤以仁厚贊威福之權延洪社稷以忠義立
勛名之本昭揭旂常每興憫於流人俾自全於盛世謂
御史執國法寧無風霜肅殺之威而大臣育人材當廣
天地發生之德俾克襄於大事獲暫反於故鄉某永誓
康捐重伸歸倚所冀寬慈之量就施解縱之仁當此生
中儻未答成身之賜盡未來世亦必酬造物之恩此語
或誣彼蒼可鑒

謝雷安撫辟克帥參

依夫子宮牆夙歸化治陪元戎幕府允出禮羅甫被
命於鈞天亟攄忱於恩地卯翼其造手額知歸某崛起
單平勇思植立韓王謂道理最大服膺是言晉人云州
縣徒勞強顏以仕居常奮厲求實職業深恥矯亢竊虛
名聲然而問劍抵掌之雄固慙焉武當走檄飛書之任
亦媿枚臯分平沈於常科忽巧逢於元造殷勤說項特
達薦韓內而翱翔學省之班出則關決山水之郡比解
綬而歸故里盍杜門而理舊書念人生盛時豈忍自同

於草木況士遇知己亦欲少報於絲毫既著主家衣裳
豈傍誰人門戶方將九頓首而請已施一舉手之仁天
落除書俾陪鈇鉞地居元幕堪賦鐙棊

謝吳提刑特薦

四牡勞使臣之功將催召駕一鶚騰薦士之表猥及別
車軒然特異之知偉甚不求之獲允謂奇事可無謝言
恭惟明台寶號激按之任凡我屬部以受薦舉為榮欲
旌別以報聖明宜簡拔而得奇俊顧如某者何若人哉

老色漸分已消盡英雄之氣壯心未已欲獨垂天地之
間覽流涕太息之疏而傷懷受抱膝長嘯之吟而抵掌
謂苟可以及物初何拘於擇官起從空山來佐偏壘訪
麻姑方平舊隱玩泰伯子固遺文閉戶讀書奚暇計寒
餓之水火研朱點易頗欲窺廣大之乾坤諸老深諒其
持躬當路間委之決事奉三尺法每思特立以獨行寓
一分寬幸免羣嘲而衆怒頃荷崇臺之出檄俾行鄰境
以慮囚鄉人好惡何如兩難於處天下道理最大壹斷

以公第求不負於平亭何敢僭希於賞識行部獨懸清
鑒騰章靡棄凡材決獄中情公過褒矣遇事能斷僕敢
當哉鏘然韶鈞之鳴過於鼎呂之重茲蓋提刑祕閣五
雲絢綵萬壑凌清詳猷多功玉節駐斗牛之分陶鎔有
造金丹換雞犬之僊似俛念於湮沈故特加乎披拂慨
然推轂光此題輿某敢不祇佩隆知益堅素履幸入古
靈之橐足重此生不叛韓子之門請觀他日

上呂都大求舉

鎔台天近寶光上映斗間辯幕地遙金躍願歸治內幸
在六路提封之數敢私一陶播物之恩冒然叫呼冀於
造就竊惟士皆欲附名世人必有待先容元獻知遇希
文端自沂公之汲引歐陽獎進介甫亦由于固之推揚
氣類一時風流千載乃若說項既無旁譟薦韓又乏裏
言不自陳之其誰知者某素短奇譎空持拙迂讀聖人
書頗亦識其大者登進士第乃以困而得之每嗟萬物
之皆塵當思一命之及物入芙蓉府孜孜備竭忠勞問

桃李蹊落落渾無主意當路雖加之刮目選坑豈易以
騰身洪惟崇台所統幾半天下凡我屬部相與求入轂
中矧薦額素寬宜癡心有望因念曩奉秋風之檄嘗幸
獲親霽月之暉官燭風簾尚憶夜堂星聚寶儲玉節或
憐幽谷黍遲雖隔龍豬妄希鷲鷯都大寶謨典型諸老
經濟通儒入登農厓之司月班清峻出總園府之任駟
傳光華宸旒渴想老成筆索將還嚴近尤篤同袍之好
常恢推轂之仁遂及我私願竊有請亦既在鳶飛魚躍

之內所願附牛溲馬勃之餘呂公為相善用儻垂恩
而東拔何蕃正色不從亂誓盡節以報酬籲天而言指
日以竢

再舉謝段知軍

朝廷右文聿求奇士郡國論秀入及陳人秋風姑慰其
寂寥春色頓回於顛顚雖非差事敢廢謝言某起從單
寒妄慕高遠更生晝觀書夜觀象心實憂時武惠左執
印右執戈志期用世雖嘗充賓而觀國未能換骨以成

僊念壯夫工篆刻之詞聊復爾耳以科舉妨義理之學
豈所欲哉揭元龍百尺之樓聚鄴侯三萬之軸交韵人
勝士競勉以十載而自期游名山大川亦深思一試之
可厭徒以親年逾邁已志未伸從容隨戰蟻之塵慷慨
動落鵬之興漢將軍出塞漢幸爾成功唐學士登瀛洲
居然充數換醒十年舊夢橫開萬里修程疏景暗香問
逋仙之無恙紅塵紫陌笑劉郎之又來雖曰僥踰距非
奇特判府真循良守為君子儒平易近民四境相安而

成俗忠信勸士一榜多見於得人明揚韋布之精神勇
赴衣冠之期會某敢不力懲奔北期趁圖南竊慕昔人
謂溫飽非平生之志所冀異日願功名成遠大之猷恥
循囁嚅姑陳梗槩

謝監試通判

聖主搜賢擇新進士魁儒護試得舊門生昔未嘗造請
於公庭今亦非稱謝於私室漫循彛典用摯斐文某起
從犇鉏誤學書劍撫六經陳蹟厥有深思爭一時虛名

每成自笑早游場屋嘗辱鑑衡方執鞭屬橐而前自分
禹門之鯢化及棄甲曳兵而走竟作宋都之鷁飛盡歸
來乎短檠可奈何兮長鋏以科舉妨義理之學夫豈本
心如壯夫工篆刻之詞亦懷媿色適別車之來泣喜廣
廈之可依子來見我乎豈不願親於臯坐人言可畏也
第當力戒於瓜田所恃堂下見蔑之心不訝庭中無愈
之蹟

謝州郡勸糶差充僉幕

倒廩應公家之急幸追嚴誅走檄假議幕之榮猥叨華
獎增戶門之輝映動閭里之傳誇頓首凝香箋心銜裏
某深居山澤薄有田園頗慕少游稱善人故每奉太守
都吏之條教莫效魯連為國士故惟聽里胥亭長之指
呼思先世勦業之孔艱凡平日奉公之尤謹有來使命
謂之軍儲俾為實粟之圖以繼汎舟之後人非卜式焉
得輸財而助邊世之子文孰肯毀家而紓國况旰食當
千里旱而後彼田間無三年蓄之存寧有積倉可供公

廉然而良二千石薰然如召父之慈福十萬家樂只歌
岑君之化當酌緩急通融之誼式昭公私體恤之心順
流而東非有萬艘連檣之獻從天而下遽膺一紙十部
之班俾由民伍之卑徑齒議曹之末惟通有無於上下
之際本皆職分當然若論施報於官民之間殆似等威
不辨固知忠信所以勸士然而名器不可假人雖則浮
榮寧非奇事判府諸王孫之貴介郡刺史之循良來臨
小有洞天成渤海潁川之化重見太平官府如元康地

金定四庫全書
卷十
節之間偶當郡計築底之餘深軫軍食乏興之慮命之
輸粟褒以泛蓮某祇服寵光永銘恩紀清香畫戟如今
足庇於震凌茅屋蒼苔從此甘安於耕鑒

混補試中謝運使陳吏部

雪案臞儒低徊場屋星台膚使吹送橋門借桃李之恩
光采菲葑之下體摳衣往謝銜袖具陳於惟我朝度越
前代六館突兀率聚養於英豪三舍選掄多貯儲於公
輔十四聖流傳美意幾千人成就大名逢明主之右文

闢賢關而升俊十行下詔數路得人宜求博達經世之
儒何取推魯不文之士如某者風霜容顏銓火夢孤壯
志激昂頗亦自矜寸管流年晚晚居然坐閱千飄精神
疲敝於三日之文意氣銷沈於四詩之學蹋秋槐其已
屢折僊桂以何艱竊嘗泣黃卷而問天悔不買綠蓑而
耕雨傷嗟垂陂羞縮中眉適公朝之議欲廣羣材舉成
均之試悉歸諸道既省買珠之費孰無獻王之思扁舟
下盱母之江斗酒上滕王之閣挾書囊而賈勇整文陳

以前驅弄翰操觚頗識詩人興致之遠造車合轍敢期
有司裁鑒之精正憐寒谷黍遲忽覺冷灰豆爆便辭下
土徑到釣天矧叔姪之竝游尤朋儕之共賞太學生辭
家射策誰啟亨幾清詔使攬轡登車實司文炳風雷變
化星斗光芒都運吏部三山魁傑之儒四海耆英之老
號佳吏部蓋嘗集北斗而騎麇為健監司方且邀西江
而活鮒追憶當年鼓篋許令此士傳衣俾小草之出山
同菁莪之在沚某敢不磨厲風操騰跼天庠念騎省故

家雖粗習文章小技入古靈薦橐尚勉思節誼大閑

賀宰執正旦

三朝元會將回青籥之春
四近輔臣獨侍紅雲之表
協扶熙運丕輯蕃禧
某官氣鍾陽和名揭晝日
謀王體斷國論蚤簡宸衷
究皇儀展帝容獨持政柄
親被銀罍之賜永觀金鼎之調
某行即解摩及逢換歷千林
有喜竊自歎於歲寒一氣轉鈞
尚密回乎生意

賀侍從正旦

金定四
卷十
風轉青旗歲又逢於作噩雲連紫禁班獨峻乎文昌偉
魁傑人膺熾昌福某官胷中太極筆底陽春金闕玉珂
密連芳於法從銀罌翠琯親拜賜於君王魏步星辰早
施霖雨某解麾將代換歷有慙芙蓉不向於東風自憐
顛賴江梅願依於朝露尚借發生

回太守惠壽詞

露電餘年寧復久生之美宮商雅韵寵貽初度之褒借
衛戟垂光添門弧喜色判府儒雅節吏平易近民鳳凰

行集於潁川歡傳召璽龜鶴相期於壽域特製新腔句
麗陽春氣增晚莫蕭蕭白髮忽聞正始之音寂寂紅牙
難品清平之調某第瞻凝燕莫效續貂少太公三年自
知耄矣頌魯侯千歲還以報之采積感衷曷抒謝語

謝郡宴致語

一牛橫笛方欣受許子之廛千騎專城乃辱設穆生之
醴荷君侯寵遇覺樵牧傳誇判府東陽文章之家西京
循良之吏秩中二千石試皐蓋之行春曾百萬兵報

紅旗之破賊既肅清狐兔亦安集雁鴻適帶裘整暇之時宜尊俎從容之樂謂古者存問遺老蓋敬高年謂諸侯不臣寓公特加異禮肆啟黃堂之宴倍添白髮之光揮哲匠雄文託伶工俳語從太守游而樂欣聆歌管之和均笑山翁醉似泥不覺綸巾之傾倒

賀錢守生辰

天開瑞節月紀誕辰八千歲為春式占遐算十萬戶受福丕霽歡聲適又對於垂弧行入躋於持橐某僭陳頌

語阻綴賀班欲永歌之恐難入紅牙之拍為此詩者願
常觀綠鬢之新

回黃堂長投獻

捧檄錄囚暫寓弦歌之治裁冠枉駕遽同翰墨之盟便
相忘一見之初真不啻三生之遇有文相接陳誼甚高
堂長丰骨昂藏詞華竒怪宜州太史之裔必昌於詩南
豐先生之鄉忽有此士諒欲黼黻乎王度奚為領袖於
湖庠嬉笑怒罵皆成文章何軒騰之小晚超超嘯嘯羞

金定四庫全書
卷十
處污歲信抱負之不凡見諸公咸稱之謂一第特溷耳
孤鐙窻下毋忘黃卷討論羣玉峯閣曾掌丹鉛點勘某
竭來折獄虛枉貽緘相遇邂逅而子偕臧知為善士多
有平反而毋必喜自愧古人雖即言還尚圖往謝

謝陳總領惠壽詞

年華尚晚癡頑戀駒隙之陰韻語生春流麗援鶴山之
譜交情無數初度有光總領戶部魁儒嫡傳王人雅望
書破萬卷每鑄出偉詞文成一家獨埽空衆作游戲小

有丹霞之鏡歸來甘泉上雍之班興念陳人適臨生旦
度尊前白雪溜亮宮商剪水上浮雲淋漓翰墨華哉短
韵期以長年某方禱山川莫垂弘夫傳來樂府雖難期
銅狄之齡流入教坊應可品玉簫之調

通判回諸縣賀滿考

共千里月愧莫積於年勞飛五朵雲辱過褒其歲最蒙
成幸矣稱賀宜乎每惟遲鈍之蹤深負平分之寄湯火
交迫第懷玩愒之羞泉石自佳寧有嘯詠之樂蹉跎累

日僥倖及期敢圖宰邑之賢特軫同僚之誼念司馬青
衫老去幸免曠瘼辱諫議白絹飛來曲相獎飾九頓圭
誦一意篆銘第既忝郡股肱正自賴公羽翼動陶園松
菊之興尚遠戍期借潘縣桃李之春允資寅協

招陳總領會

夙幸登門每厯縣榻天下士惟陳正字信足當涪翁之
言山中友勸老東坡久欲效黃人之飲茲卜月圓之夕
正逢秋立之期汎埽行窩款延都騎願振飛霞之佩庶

聆屑玉之談

回羅檢閱求書入京

猥荷深情寵貽妙語志在千里喜將賦子長之游文成
一家初何待孔融之薦意者游戲翰墨居然寵畀琳瑯
檢閱昭諫詩材公遠仙韻城南鐙火頗聞警悟於昨非
筆下波瀾時見流傳於近作破除湖海豪氣親炙文章
巨公然且自憐虞翻之屯恨無知己蓋有爭說項斯之
善惜未逢時乃今不憚山川阻修而欲往觀京闕壯麗

脫穎而出諸公定放一頭揮翰如飛即日會逢具眼某
素加心敬苦恨力微竊幸有志之竟成敢不以言而為
贈辭家好去未須動莊鳥之吟得意歸來定見佩蘇秦
之印薄相從吏未寫綢繆

賀翁中書知贛州

誕膺溫詔出鎮巨藩岳牧用詞人輟紅藥蒼苔之步兒
童迎太守回玉虹翠浪之春千里宅生萬物吐氣某欣
聞滌篆莫遂拜庭顧比辱於貽箋且重塵於致饋敢因

慶語就控謝衷送司業酒錢自驚暴富依杜陵夏屋猶賴
庇寒

代謝送物赴試

浪游南浦正怯望洋送上西雍猥厯借潤璀璨餞行之
貺殷勤助譟之言拜嘉堪醉於潏紅賈勇無愁於曳白
第慚不振恐負相期仰天大笑出門吾無患矣入學孫
業鼓篋君其許之感戢未央敷陳曷既

代賀趙京尹生辰

銅陵石磴之地清實鍾間氣玉露春風之秋早喜際誕
辰爰集懽聲肅陳善頌某官斗間瑞采天上靈根都民
騰前趙之歌尚思神政詩人咏保魯之壽永重宗盟春
動綵庭恩來紫禁某幸依仁里盍詣慶閎屬方倚於藥
鑪遂莫扶於壽斚進長生曲雖媿非白雪之音祝不老
僊願永見朱顏之潤

代送車新昌赴任

鼎來迓騎趣駕飛鳧花景一簾坐想彈琴而治芝亭百

里又傳製錦之新靡待政成即聞詔召某莫陳祖宴輒
貢贐儀因緬思乎舊游悵已成於陳蹟媿無遺愛顧揚
糝之懷羞儻有餘情尚匿瑕之是望

代鄒倅任滿經從招會

海沂歌滿行趣簞鷁泉間地佳小煩駐馬方欲少叙子
孫之好詎容弗盡賓主之情輒擬詰朝僭邀卜晝作文
字飲雖無楚舞勸酬待老成人定有蕭規授受願言臨
賁用篤交承

代回鄉舉諸貢元

獨提健筆偉新刃之發硎勇奪薦書儼輕車之就道盛

傳秋捷大慝旦評某人經明行修聲飛實茂

賦云賦聲
摩空書眼

如月品流高勝信紅泉碧澗所鍾意氣豪雄以黃榜綠袍

自許已看橫鶚會應識龜某忝此分麾幸哉勸駕辱哉
冠而枉顧驚銜袖之暗投希夷謂天地間無全名所願
力培於遠業挺之云科舉外有理學幸毋自足於斯文
相期者深是所以報

代回漕魁趙主簿投謝

名芳鏤牒偉甚仇棲文壓鎮廳居然彌薦喜報冰台魁
捷祥開天陞臚傳判簿學入幾深文多神變被飛龍新
渥早列簪纓慕題雁榮觀克勤筆硯若昔名父嘗奪儒
科景運又逢戌年世胄定登甲榜重書淡墨真同遼鶴
歸來穩趁飛黃行見溟鷗直上某猥厯臨訪虛辱謙詞
云云

代鄒連州經從招會

解組价藩還錦鄉社旌麾臨寵荷不遺先世之交尊俎
獻勤僭欲叙通家之好輒以翊日迎於下風舉酒細論
值桂華競放聯鑣枉顧瞻棣鄂相輝

代回黃堂長賀冬

陽回緹室有開吾道之亨春入書幃丕衍斯文之福聿
來華翰如挹高標某人雄辨生風老柯檉雪少年能賦
剪裁天上之雲晚節耽書組織月中之繡對灰飛於
葭管看恩下於蒲輪某欣承慶言倍感高誼何當會面

共浮竹葉之觴姑此寫心為寄梅花之驛

代知縣再任招客

久矣賦歸居然因任重上八節灘之險拊髀自憐空懷
五斗米之差脫身無計欲邀福於寅協期聽誨之丁寧
爰卜明朝欲修小集非敢飾豆觴之宴蓋覲聞樂石之
規

又

再鼓聽逾淡已無高山流水之音萬間顏俱歡又託凌

雨震風之庇輒涓翊日祇屈飛霞非欲事於虛文蓋圖
商乎實政技止此耳孰憐重涉於峻灘忠勿誨乎尚俾
早離于沸鼎

又

水益深火益熱欲脫去而不能鑑之明衡之平於聽斷
乎何取徒賴鳴珂之貴或憐沸鼎之難敢敬布其腹心
願相為於羽翼輒涓明日祇屈飛霞

又

智窮力竭不堪面具再呈政拙心勞那得戲衫善脫所
幸鄒魯之俗居多董賈之賢必有忠規裨此實政輒涓
翊日祇屈飛霞

代回魁星醮請拈香

問秋風消息已愧陳人挹杓宿光芒願陪勝彥肅拜裁
雲之翰欣聞涓日之期當展敬於夜壇冀聯題於春榜
步虛聲裏豫占來歲臚傳集英殿前共叱今朝魁識

賀娶婦

慶襲鯉庭吉諧鳳卜孔雀屏芙蓉褥輝煌花夕門闌鸛
鵲杓鸚鵡杯爛漫椿闌風月欣逢好事薄貢賀儀

賀端午日生辰

節臨重午日紀生申蒲艾浮香正值錦標之揭桑蓬襲
喜式增寶牒之暉凡與照臨孰不欣快僭陳微禮仰祝
修齡齊國之生孟嘗恪逢是日漢朝之誕胡傅願見同
年

摯魯山臧廉使

繡衣行部親風采於大江以西素服拜庭望顏色於崇
台之下積久願瞻英槩投老始契竒逢若有數存敢以
文摯某官孟氏剛直之氣孔門宏毅之材豎髀脊梁擔
當宇宙具法眼藏區別正衰四海魯山之名萬仞喬嶽
之望自居廉察每志激清廣漢發摘如神小民氣吐葛
豐刺舉不避大吏膽寒比福星重臨即陰氛頓豁雖援
驚鶴怨不遂閒散而狐號鰥舞稍知伏藏方且竭蹶暑
行宣朝廷之欽恤振揚秋肅消田里之歎愁萬口一談百

年幾見惟天地中間莫不順茲惟極治之朝然國家閒暇及是時猶有可陳之事若偏州下邑僻處尤疽根弊蠹多端儻明公問俗不遺則他日更僕以對沈痼非常劑能瘡賴遇神醫敗局有妙著可尋正看國手此書生好論事之癖恃君侯有容物之懷太平之期當今允宜建萬世之策真儒之用無敵會見垂千載之芳某場屋陳蹤山林薄命所學甚苦徧參名輩大老之間於道無聞竟墮文人曲士之數目昏頭白心在力微有時自擊

缺壺未忍遽甘墮甌備員鄉校授篆久閒遁迹里門著
書自遣乃幸迎於華使真見識於偉人三生結來有披
霧睹天之快一語提醒便吟風弄月而歸儻借春暉足
夸晚遇

養子啟

江梅無實照孤景以自憐僂桂有香分一根而何幸敢
通古語願踐初盟恭惟簪纓世家實毓階庭壘秀咸稱
麒麟抱送之瑞卓爾不凡竊慕螟蛉速肖之功冒焉有

請儻異日遂親傳之望亦均受無別愛之憎三生因緣
雖他人即如同姓一家慶幸謂此兒當興吾宗奉幣而
請致書以告

謝春谷學正惠壽詞

年華逾六袞積隱流水之邨韵語無雙妙麗協滿江之
譜感宗盟意厚惜初度日非恭惟某官正學為師多情
愛友書破萬卷每自鑄偉詞文成一家獨埽空衆作游
戲南盱軍峯之境歸來東觀石渠之班興念陳人強推

生旦度尊前白雪溜亮宮商翦水上紅雲

謂滿江紅也

淋漓

翰墨我辰安在君意故長某駭突如其來如欲福我今
壽我傳來樂府荷期銅狄之齡流入教坊可品玉簫之
調薄言酬謝惠冀鑒融

代回夏友蘭

某誤被國恩冒沾世賞山城分月媿弗稱於題輿藝苑
揮雲辱遠貽於褒袞如見諫議之面足知君子之心某
官機鑒不凡器能自許與人為善粟萬斛以救饑取友


必端蘭九畹而自媚襟度湖海名聲朝廷謂宜騰翔霄
漢之班橫金取貴然且宴適園林之趣懷玉久淹獨崇
篤交情特鋪張慶語紅光照室白壁入懷某謹藏襲篋
中容奉呈膝下秩六百石顧關決之無長厦千萬間尚
庇全之有望未殫感謝且冀照臨

回黃渠屋求復職

居廣文舍杜門歎佳客之稀迎長者車銜袖增老夫之
重麗詞唾玉高義斷金葉屋徵君龍首華宗龜山正學

筆鋒銛利粲雙劍神光腹笥豐盈蘊九峯秀氣正厲者
花之志俄興離黍之悲抱膝芹西斂元龍湖海之氣著
書巢畔樂淵明田園之居蓋嘗窺編摩鈔纂之文固知
為博洽專勤之士昔來游庠序期私淑佩衿鋪張紙上
之云云吐露胷中之鬱鬱然作闕實由舊政其責備何
豫後人事已久而難追時不利兮奚怨况一飯先書籍
皆前定而靡待求雖五斗不折腰儻有分則將亦獲少
安毋躁其終必還某徒虛辱雄文曷恭酬嘉惠率爾而

對語焉不詳謂羊叔子鵠人孰云知我就謝仁祖索食
當亦憐君安得無情尚圖見意



水雲村橐卷十

欽定四庫全書

集部

水雲村豪卷十一至
五

詳校官中書臣閔思毅

侍讀臣孫球覆勘

總校官編修臣倉聖脉

校對官助教臣胡予襄

謄錄監生臣張曾詣

欽定四庫全書

水雲村橐卷十一

元 劉壘 撰

書翰

答譔桂舟論銘文書

某辱賜書賜輓章意厚甚哀感彌甚某幼孤事先母四
十年天怒其不能盡孝一旦奪之玃玃疇依痛毒酸楚
既葬既小祥思親之淚未乾罪逆媿悔弗釋也人事俱

廢不特取疏先生先生哀憐愁苦勤勤惠綏不孝孤曷
克當謹忍泣叩首以謝高文下教若以某為可與於斯
文者益佩深情承欲為鄧尉作銘此意尤古闡幽垂遠
固朋友責故舊彫零中年增感某亦嘗欲為三數知己
發揮平生恨學淺筆力弱未能為先生幸慨然為之或
辱教某以共為或互相為冀萬一或有傳也某固不善
為儻先生教之或能為毋問其傳不傳要亦盡吾心逾
於不為耳竊嘗謂古今文籍以來凡數千百載聖哲豪

英凡數千萬人聲蹟磨滅富貴湮沒所建立操挾乃無
一足恃恃者數行之銘託之金石歲月悠長土草翳蝕
石泐字漫乃亦復不足恃恃者文學之士錄之書冊昭
垂不朽世無千年之石而有千年之書故乃世代寢遠
聖哲豪英猶可彷彿知其心想其人者以此近世韓歐
曾王多為人作銘章雖其名甚微其銘刻已湮漫而後
世閱其集猶知有其人者亦以此鉅人碩士蘊抱瑰特
不忍隨世浮沉刮條振迅以自舒展或出意氣立事業

皇皇焉為民彝世教計期以久傳者又恃有此也傳不傳不足計願命之曰人與鳥獸異矣為其有足傳也概曰不傳不力於善為鬼蜮為梟鏡為狐鼠為虎狼為天地蠹為民生賊諉以堯舜亦死桀紂亦死取快瞬息甘為愚鬼莫之恤是莊列氏怪誕陷人心之說吾聖賢位天地福生靈意不如是此春秋作而亂臣賊子懼也天地無全功能生人不能使斯人之有傳傳者以文章耳文章造化當與天地造化分功文章在世間顧可少哉

熏天炙手翁赫震動曾不能當數十年日月之運寒暑
之變炊糧未熟夢已覺矣回視平生竟何所得想見千
載英魂亦自一笑惟陳編墨蹟炳然如見爾則文章在
世間乃誠不可少矣而託文章以傳者又必其人德義
志節無忝銘筆乃幸或恃以傳韓歐曾王節行配古人
德業著當世世託之傳者以此也乃亦不獨文章也近
世陋俗以名位求文章不揣其本署銜位列名氏直寸
晷矜寵終不傳也則又不若山林枯槁德義志節之士

大公至正誅姦發潛如是而為之銘乃足恃以必傳也
夫其富貴權力之不足恃而賴金石以傳金石不足恃
而賴書冊以傳必傳矣顧非德義志節有足恃文章亦
不傳也噫其難哉噫其難哉某自少從諸老學為銘章
老矣而無成今先生志乎是而德義志節高隱山林乃
適與某之言合而某亦山林枯槁也故願相從以成其
學焉哀疚中不作他文近為人銘二墓未知有合於盛
意否也故因復書以請正焉某叩首再拜

內幅

近世銘筆推永嘉葉氏為宗某少之時因諸公宗尚嘗
熟復焉十數年來深味其文乃有不大愜於予心者往
往崇華藻而乏高古不免止是近世文章爾若夫獨步
千古方駕班馬則愚謂止當推昌黎一老而繼之以南
豐先生而已尊見以為如何

回宜川黃親書

某罪罰痛毒中辱展親甚寵止哀讀來教數四何謙勤

也古人於所自出每篤敬焉而不忍遺班班書傳詩歌
間熏然其慈謂不復見今也乃幸於仁親見之昔我先
老姑之適順伯氏也是生尊夫人以歸於尊公而執事
生焉義至厚也某生也晚幼也孤不獲侍先老姑其於
執事又以異縣而不獲親某則媿矣書焉先之意繾綣
甚蓋今世以為迂濶不切而高朋娓娓若不能以寧豈
其詩書同原風味自別某不惟媿也感慨係之盛心古
誼已可想見清材敏識固應不羣以仁義培其根原以

事物鍊其智識惟不失其良貴與造物游雖緼袍環堵
自然常伸於萬物之上豈必紆青拖紫號當世公卿而
後為貴要之政亦何足貴也拔起西江萬灘中共垂不
朽吾親勉之某也未五歲而為先君所棄事先母踰四
十年不能盡孝天遽奪之倏越期祥哀痛徹骨恨不即
相從地下屬有三兒二甫冠一垂髫閉門味書老意轉
拙疇昔獲交海內魁奇鴻雋固自負風雲萬里之氣今
則心堂堂而髮種種矣蒼蒼儻私我更幾年住世間或

可有以藉手見古人不然自分與草木俱朽而已雖未能見君子以寫我心幸因復書而得以論心猶未若覲面情話為慰此心也賤累辱問多感併此附謝因書來忽臆先母談笑間有時述先姑及尊夫人令德歷歷在耳乃今言不可聞俱化而為土矣執筆愴然淚墮而廢不備

荅友人論時文書

客中薦承訪問良懌繼承時文新作下教尤懌今承惠

書徵贈言則某媿懼不復能懌矣文固文而時非時君
何情而猶工之不置愚又何說為君贈邪念君意厚不
可負亟細讀盡卷瞻麗如雲敷空圓熟如丸應手儼然
景定咸淳程度儻國不亡科目不廢挾此鼓行芥拾青
紫惜也賈用不售蓋特可曰舉業而不可曰時文矣愚
竊有以廣君意夫士稟虛靈清貴之性當務高明光大
之學然為昔之士沈薶於卑近而不獲超卓於高遠者
蓋宋朝束縛天下英俊使歸於一途非工時文無以發

身而行志雖有明智之材雄傑之士亦必折抑而局於此不為此不名為士不得齒薦紳大夫是以皇皇焉竭蹶以趨白頭黃冊翡翠蘭茝至有終老而不識高明之境者可哀也今幸科目廢時文無用是殆天賜讀書歲月矣尋求聖賢旨趣洗濯厥心先立其大豈不油油然有顏曾自得之樂顧復沈汨於此則宋人拾鄭人之遺契而曰吾富可待者也而又有重可哀者南唐書戴金陵被圍亡在旦夕後主猶命伍喬於圍城中放進士孫

確等三十八人及第史臣反覆哀痛謂其不識事勢每讀使人殆無以為懷而比歲襄圍六年如火益熱即使刮絕浮虛一意救國猶恐不旣士大夫沈痼積習君亡之不卹而時文乃不可一日廢也痛念癸酉之春樊城暴骨殺氣蔽天樊陷而襄亦失矣壯士大馬如雲輕舟利楫如神敵已刻日渡江吞東南我方放解試明年春又放省試朝士惟談某經義好某賦佳舉吾國之精神工力一萃於文而家國則置度外是夏又放類試至秋

參注甫畢而陽羅血戰浮屍蔽江未幾上流失守國隨以亡乃與南唐無異悲夫愛文而不愛國卹士類之不得試而不卹廟社之為墟由是言之斯文也在今日為背時之文在當日為亡國之具夫安忍言之今君之言曰吾非樂為時文也吾平生長技止是舍是無以自見且無以應庠序之季考也此言逾可悲耳學以明理文以載道其妙在乎自得豈為銜友朋校短長計哉誠不得已而應課試姑用君所已能正亦自足奚必自苦而

求深求深而擅場正不過三數人中取一魁亞正復何
可語人人亦誰復推重吾儕一等俱非妙齡壯齒比去
日減一日歲月幾何不於聖賢高明光大之趣求得一
二乃汨汨焉為是不切於用者以迷其本心益可哀也
已異時將書以示後日有時文幾十篇行於世則可乎
君姑卷懷而從事於上上者愚將觀其進焉不宣

與趙儀可書

某生長江西僻左處五十無聞劒炊矛淅媿不與孤竹

臞僊東海高士脩然六合塵埃之外顧忍慚苟生為天壤間棄物目眇頭白行且謝世緣而同太虛矣獨斯文盛心曾未塵土每睹海內奇傑灑灑可人意輒篤嗜若飴蜜然至嗜之甚則必博訪其人之年貌與其志節以想見其為人其人居遠而不得見則或倚危闌登高峯目極飛雲以寄其一日之思而又甚者即雖素昧或通尺書焉以納交噫地老天荒今夕何夕甚哉若是其迂也或曰是奚迂天理民彝之正然爾某所以冒焉致書

執事之意蓋如此日社友陳君南居之歸自鷺洲也衝
風雨過我水雲村中某迎問之曰是行見異人乎曰見
之誰也曰某人某人而執事居其一又問得異書乎曰
得之發其篋得青山初稟一帙以示時莫田已夜色亟
篝燈熏香以讀讀一二惟恐其盡一讀竟又反覆讀至
夜分讀不忍休不覺瞿然語諸兒曰是古心老子復出
邪何甚似也士登古心之門者多而文之似者蓋寡往
往高自標致無鹽效顰正未必優孟之於叔敖也執事

之文則似之矣夫文似他人未足貴似古心乃有貴於
他人者是豈易與俗言且近世以文鳴何可勝算簡潔
華瞻典雅雄豪雖各極其天分之所到人自名家而古
心乃為獨不可及者以味勝也雍容委蛇豐潤暢達不
礫裂不與澀時有斷崖崩湍點染呈露終不礙河奔
澤匯之勢雖其奔逸超絕處正如天驥蕭雲橫視無際
而其歸沈鬱倡數雋永牙頰何其旨也今執事之文抑
揚開閤縈紆起伏清不浮奇不怪簡不失之碎深不失

之艱是皆不必論其所以尤可愛者亦以味勝也新意
空涌恣態百出而沈涵吐吞一節三致意讀者有無窮
之思甚矣其似古心也某甚敬甚慕甚恨未一識故介
南居致書焉昔歐曾蘇黃皆不遠千里以文字相師友
此事今無執事其或振之也新著想益富便中希寄不
宣

與陳中方教授書

某從地上望百尺樓突兀霄漢幾年於茲恨不獲一攀

附比者夏五宗濂為容不自意得進臯比左右忼慨意
氣促膝傾懷走也何自辱此豈坐上之嘉小異故邪病
且還山惜不再詣欽企重欽企斯文黯鬱久矣名儒碩
師模楷盱庠如臨淮入汾陽軍中旗幟營壘俱變精采
流風餘韻及我鄰封咸願與講下章縫均承教育秋堂
風露絃誦益清坐使澗泉如在洙泗某重拜稽首某敝
車朽橐為天壤間棄物慨思平生與海內豪俊游所志
謂何五十無聞乃困躓歷落之如許雖其心堂堂而髮

種種矣惟進學求道一念與時俱長亦惟見賢思齊一念與時俱長甚願立下風請所以教顧未之能適友朋過從謂將布武堂下敬乘便奉書寫別後懷仰心西風欺人意度蕭颯不佞願聞金石一語以自壯

荅陳將軍求謚先生銘文書

某冗阻造詣實深懷賢桂舟先生神遊物表寢遠寢忘誰復動死生交情之念獨執事哀憐苦心欲志其墓此宜孝子慈孫之所汲汲而執事先焉聞者曰足厲薄俗

真古義士矣此宜屬之大手筆乃下采於區區廢情之人聞者又曰託非其人矣永惟執事相愛之厚老先生相知之深俱有不可辭者抑承命半載不及下筆非慢也一則以老先生乃江右大詩人二則以金石文一字關書法又俱有不敢輕者近方脫橐敬以上呈其間不止為老先生發揚且為唐宋二代詩家統紀畧存大概未知果可拈出否昔歐陽公作范文正公神道碑及尹師魯墓誌竝招物議王荊公銘錢公輔母夫人亦然彼

二公皆大賢名筆也猶所不免況僕乎儻招浮議惟在
高明察之歐公有曰此文所以慰吾亡友耳豈恤小子
輩哉不宣

與朴齋黃宰書

某託斯文綢繆之好踰三十年道同而言莫違心切而
迹罔間所謂景仁兄弟也姓不同耳書館分席文場共
鐙每一追思如墮夢境昔若彼其密今若是其疎也何
居逸少有云感慨係之矣比者兩辱書兩具答往往皆

江湖遞送能無浮沈否卽辰春暖伏審亨涂有相台履
多福雅學盛名宜列華要屬拘近制聊此斜飛伏聞省
台諸賢交誦名德將有攜上靖嶸者其集烏乘驄快我
心目其衰朽踰六靜味更深獨嗜學一念至老不衰亦
不自覺其無所用也竄伏深密顧景淒然每思乘興一
訪知己又若有物厄之者學生來洪敬上起居問併敘
渴心我悲所欲劇談者不勝道也說與傍人都不會杖
藜攜酒看芝山紙盡且已愧不宣展

通臧廉使書

時維孟春草木生意恭惟廉使相公魯山先生正直所
格神明翕扶台候履端多福去秋上狀後徼往寧都逼
臘纔歸歸而會憲甫知州言相公榮被除音移節名部
浙民何幸吾江西之民何不幸也輒成拙詩前寓贊揚
後寓依戀伏希電燭惟是禮覆之請上累鈞陶益日夕
俟之天下偉人斯文宗主舍是何所依歸者第恐吏舍
有望無力計置全藉相公維持恃以無恐憲甫知州仲

春授代此時或追送至洪首圖俛伏階墀以謝不宣

再通臧廉使書

月正三日李舍人行嘗附拙詩以進越三日憲甫知州
出示珍染乃知相公軫記孤寒已為入選何修何飾如
取如攜此生恩未報他日目不瞑謹誦此語以謝區區
前任為例革故短少月日若接補滿考本自不須再行
禮覆第去歲嘗諫之省房則曰前度禮覆文書未為盡
善恐入選有駁須要重行禮覆相應六字完備方穩有

此疑慮是以冒昧攀祈而不知止今賴相公維持入選
無駁何幸何幸然再三細思終須過此一關實欲乘今
明使者在司特達成就即目合用即用否則存留起咨
失今不圖異日寧復有愛士如珠若明公者乎間吟蕭
條出門如礙既不能奔競計置惟仗盛心古道曲成不
遺爾去冬鈔到儒選名字惟袁之萍鄉州瑞之新昌州
二正今猶未差恐有機便望相公於內造就一處則闕
期近而士習純或可藏拙待滿為告咨地相公其圖利

之敢肅拜以請年時不肖嘗以屬之理問白公得報云
候文書到選當為出力繼又聞參政尚公廉正不阿憐
才重道二君子皆相公所厚儻星聚次及之尤幸平生
淪落晚遇諸賢子犯曰天賜也敢再拜以請

通李左丞書

即辰麥秋清潤恭惟左丞相公龍川先生牙纛所臨神
明擁祐鈞候動履多福某墮身流水村中安閒守分何
日非雲底所及也年時里商來汴嘗附拙詩轉眼一春

益勤穹仰相公德望勲名朝家倚重宣威布政驅馳靡
寧繼今以往必判中書不然其由鄂而還洪乎西江士
民引領望之某累年困頓不能奮飛近者魯山廉使到
州一見懽然特加愛念許為出力造就親索一宗文字
去後隨蒙分付省中入選正商量間而此先生移節浙
東事機相左又成渺茫幸今相公造化在手儻念門牆
桃李之舊宛轉鈞播拔之泥途不負大恩有如皦日今
因程府便謹奉此上候起居復有拙詩一章敢塵電覽

江鄂相近甚欲一詣省下參拜少敘渴心雖行止非入所能然此念未嘗一日忘也浩有欲言別容嗣狀不宣

通趙桂陽書

惟使治在湖湘深處而鄉邦又在江西僻左處兩地懸絕夫是以尺書弗獲時至左右也永懷取疏其顙有泚一日耕樂翁過我共談乃知天杪歸颿已駐雲浦胥覲有日迎風躍如伏惟老手作郡敏健精明戢姦如束濕救弊如沃焦民曰太守百年幾見而或謂惇嫠之所安

者非譁猾之所便也雖然愛民一意從滿腔惻隱中流出是為上不負天子下不負所學仗通天之肺腑行大地之風波夫焉往而不自適彼造物者豈亦若世間盲人哉六月一息七日來復矣其盛氣以需其辱知心四十年如老兄弟誼當走數百里圖快觀以濯鬱陶門巷清寒貧病交阻亟墨此紙畀兒輩以候前驅明公將暫還獨樂按行華竹乎抑將舍廬陵而居潁棄眉山而居常乎環召匪遙壽福三祝謹上狀

通問浙東臧廉使書

廉使魯山先生閣下自使星移躔江浙道遠屢欲修敬
亡由也嘗於有司榜文間知澈清所至神姦掃空為之
贊歎不已又為之引領以望重臨蓋江西父老皆然非
特區區然也新秋漸涼伏惟正直有相台候多福某杜
門著書蓋羈困窮愁之所不赦前載獨荷鈞陶為致賤
名姓上於省去載已獲咨上於朝今春已入於選未知
銓註之何時儻需一命即水木本源一出相公所成就

無可以報報以清苦自厲不辱師門而已嘗竊自謂平
居無營或藜糝不繼或緼袍不完然且噤痒苦忍以俟
命若果得一受敕教授月俸廩粟視州判丞簿不大相
遠足可養廉吾將守冰檠以保名節其尚求多於造物
乎某有一親友欲圖進身未有其機敢恃師門愛厚輒
以籍貫具呈干大造為立根脚文書乞從所轄諸府取
一保解就告體察完備移牒區用可乎盛傳使節陞除
江右荆湖果爾尤便當令斯人隨馬足就鈞陶也有貲

由徑者大率結貪濁之奧援無力發身者止得投公廩
之主人惟明公哀寒畯之湮淪為開前程俾得自見是
公成就無上功德贊歎何窮不勝歸懇之至不宣

與劉國瑞書

春中辱訪甚恨匆匆承許午節重來何為爽約也豈非
進學之志稍倦耶韓子曰業精于勤切戒倦惰象山陸
文安公曰我這裏是刀鋸鼎鑊底學問富哉言乎蓋必
如是乃能折逗牢關徑到悟境若是半間半界乍前乍

却恐終無所益也博參碩師詳擇勝友毋以目前小見
自足而求進高明光大之域其庶乎詩文數冊久留左
右早望發還為妙不久入盱足下何時來州若得會面
數日更佳也

荅胡教授書

并錄來幅

來書云長孺之來盱也蓋嘗數承過顧又示以所為文
章雖知其有意於古然未敢以為絕異於衆人也夏五
月家僮自錢塘來持故人雪澗陳文書至具言為令南

豐時與執事甚有交誼而其績文操行衆所無有某然
後瞿然不足於心以為前此知執事者淺也作教授窮
僻之邦言語不為當路所識察然何以為執事道第今
者又病更數日即滿告期行且去此徒負故人丁寧意
慚慙而已而雪澗老且病餘日長短不可知某與其同
產弟張養蒙為友其拳拳之情不可不令執事知謹以
其書一緘二幅納去旦夕即遣人還浙幸以手書報併
示元書也病憊草草餘惟以吾道盡珍重理不宣

其敝車朽索為天壤間棄物鄰翁社友或不相聞忽枉
謙勤示以雪澗公翰墨別四十年隔千數百里猶拳拳
於常陰之一介士古道顏色已不可及執事申以顓臾
增其光價是與人為善者也滋不可及恭惟盛心有感
無斁追思澗翁之始至僕旅進退於廣衆中樸訥韜潛
無敢自異不意此翁何以得九方臯之法拔躋上賓是
時邑政清肅威嚴若神雖同寮上寓非公謁毋敢進獨
某以斯文見親重如兄弟然冰雪相看始終無間以迄

於今世已易而眷不衰侯嬴曰人固未易知知人亦未
易安得不愴然思悠然感也元絨歸壁獨留內幅永以
為寶時閱其字如見其人就有一絨附往聲謝使介復
來更得其數字尤慰猝猝奉酬容侍臯比以謝謹上狀
不宣

通問雪澗陳提舉書

并錄來幅

雪澗與胡石塘書云處久仰恃襟度宏開輒忘僭躡直
布忱悃未言先懼治下南豐郡有儒人劉兄名堦佳士

也四十餘年不見之矣今亦不知其人尚無恙否曾出
仕否處久壬戌癸亥間試令南豐時每與文字交此兄
筆端俊甚與之周旋兩年餘未嘗有分毫事相干撓此
最為難得至今敬之嗣是各景東西兩下不相知無從
訪問生死茲幸老先生典教此邦處久可藉是徼福通
名以勾餘波之及處久不勝大願願先生以區區之請
多為詢問其人安在處久以其年推之恐亦踰耳順矣
或此士尚在乞從路學賜一公檄下之所屬招之使來

先生試憑几扣之恐亦不在籍湜之下特賜提撕振拔
之造處久拜會實同他時其人或不如僕所舉甘受欺
謾之罪不勝皇懷之至

召使提舉雪澗先生閣下堦昔幸甚以屢氓事君侯辱
盼絕異雖日月如流閱世已隔每一念及便覺神馳赤
城霞霧間然自明公班授鹽城時獲一交書書不再寄
久而閱邸報見盛名與菊泉大司馬聯辟欲寄賀書終
不可寄蓋天旋極折矛漸劒炊出萬死得一生雖相邇

猶不相聞況浙水江雲渺隔如許邪近歲間有方外自
浙來者首以門牆為問問亦多不能對惟今夏有宣城
沈德載自杭來亟以此問其人云孰游溫台似能言陳
侍郎府第事至詢及雪澗昆弟動履復不能對於是倚
危闌望長空淒然悵歎者久之乃不意石塘廣文忽以
書至繳示親札見而驚驚而喜喜極而又悲賀知己之
無恙辱念舊之不忘光風霽月飛動翰墨間持玩數四
猶明恕堂侍坐時顧天壤棄物與俗背馳比鄰同社鮮

有問子桑者明公四十年之別千數百里之隔歲寒心事不遺琴堂一舊客且憂其泥途期洗濯而振拔之蓋始望所不及也或謂當於古人中求抑求之於古正未有也感激盛心沒齒不朽恭惟貞元朝士既壽且康鳩杖蒲輪會有溫詔第不審丙子以來曾為時出否亦止高臥看兒戲否宅府安靖否莊產有增無虧否蘭玉有幾年今幾孫枝有幾年今幾有仕者否有在京者否令弟舊為臨安稅官者今為官否菊泉公康寧有佳子弟

否盛幹如尹如廬俱存否尚願聞之慰此懷舊若壘則
風餐雪虐鼎烹鑪鍛之餘一不成而萬有餘喪使滌其
創痍假之羽翼豈不略可自見於世抑今世所共為者
或不能為或不可為不敢為且不忍為故亦惟安於無
為惜也心堂堂而髮種種矣甲子別後至丙寅春宏齋
先生入政府約與俱以母老辭其年秋丹山先生鎮虎
城道南豐復約與俱又固辭戊辰秋邑以寇燬移家盱
城永嘉木史君天駿實客之矩齋曾西清竹谿易瓊帥

交相延致庚午科舉忝魁亞榜決意明年赴京補期見
明公於輦下有旨分試江西竟不果來是時後林李漕
使邀往湖湘而南村潘史君起予又邀入閩兩辭之已
而木史君起饒州中山陳先生漕江西俱招致亦兩辭
之獨與菊山趙史君周旋於建昌者兩年便養也甲戌
荷留遠曾公與蒙川劉尚書易牒俾壘試胄闈值母病
又不果行乙亥春客趙撫州依制使黃端明賜以官屋
一區器具咸備其冬盱撫危急拔家還豐劫奪一空僅

以身免丙子七月邑有變北師屠燎無遺幸而免甲申
母亡己丑長子亡庚寅汀寇延蔓逼州又幸而免去年
冬拙婦亡何災難愁苦無寧歲若是也命矣夫今存者
二子三孫闔門百指山田數畝雖豐歲猶不足兩喪未
葬百憂熏心六十五翁更復何道閉門著書堅忍清苦
而已所幸平生粗識趨向未為鄉論所貶而時僚之賢
而相知者率溫存而禮敬之歲在甲午州庠缺官當路
不以為不才強使承乏既幸善解累歲退休前年廉使

臧公巡部訪問哀其陸沈慨然為致咨保於朝廷已入
選未卜銓註之何時然使獲一教官正亦不滿知道者
一笑賤迹出處大略如此明公有問故及其私石塘云
有杭便然且急故信筆作家人語不修詞急故也願言
以道自壽不衍期頤嗣有便郵尚冀雲烟一幅以自慰
不宣備

再與胡教授書

二十七日纔領所還尺牘亟加補完同日轉發未知猶

及使介之便否萬一不及計華翰中亦必道甫問訊意
矣州里某人士也秀美而文且熟吏事往年操數寸管
隸台下監察者以為能擬署憲吏廣東廣東使者義齋
公之道金陵也嘗納拜焉今將南遊而四顧傍皇既無
曹丘生為之揚名又無鄭當時為之推轂事濟否未可
知明公雅厚義齋公而春風如海愛士如珠又人士所
依賴不揆冒昧為此兄請伏惟一緘九鼎弊帚千金使
此士稍遂始願是執事有大造於西也此兄盛年好修

家粗溫飽當不至迷繆以誤推獎二碑委教甚寵乃知
大手筆世自有人而士類所以斂衽名下誠有以也李
密見秦王安得不服他日當摳衣而請焉

與程學士書

竊惟主斯文之齊盟必屬之當世之宗工明公大名震
乎海宇鴻名行乎中朝蓋南北人士倚以為吾道元氣
者執文盟之牛耳微公其誰歸其今者不揆淺陋著一
二書以傳遠而懼其未足傳也各欲干明公印正謹錄

所以著書之意副幅具在雖其書浩博未潰於成然念
明公趨朝之日近懼書成而不獲薦聞於左右且無以
得公之印正也不得公之印正何以重吾書是以敢三
肅而請焉人間萬境萬事猶槿華石火粲粲俄頃間不
可拊玩惟斯文長幅或可千載不朽耳僕以千載望明
公明公忍不與壘共千載乎或謂子單人匹士也其為若此
也幾陵節抑太史公謂虞卿非窮愁不能著書自見於
世陋哉斯言知道者所鄙笑著書垂世乃論窮達乎四

書行世如日月豈弭貂衣衮者之為邪璫不佞願聞金石一語以自壯不宣

與胡教授書

惟奎躔移次之日久騶從市糴得無艱乎雖耿介絕俗固有以自處而使從者同其清苦則鬱鬱於我土地者其之所以顏忸怩而心不寧也薄奉餼稟助徒御之一炊而非以為執事獻且區區之私非取諸學高明在所勿疑蘧伯玉恥獨為君子僕敢拜手以請

迂蕭學正書

某幸甚壬辰歲獲遂初識於洪繼幸甚壬寅歲獲遂再
見於盱蓋挹光霽聆博約之日舊矣今復大幸皐比巍
峨重我鄉校而不才適承之得以護紅篆率青衿以待
君子至非機緣之厚邪恭惟英濟之才深醇之學山城
何所乃屈範模將非天啓良會使窮陋之學舍零落之
儒風從是而一大更新乎夜者東望奎光燭天若近在
吾百里間者竊意前茅其將壓境喜而不寐亟裁尺牘

授閣隸疾驅以俟馬首心香引領公來勿遲已飭諸生
洗濯神觀祇迓州東門外伏祈委照

通李左丞書

左丞相公龍川先生去冬欲詣參謁陳兄傳奉鈞旨云
往湖口慮成背馳遂止開年臥疾又未能動僅數百里
間一見之難如此更遠其又何如重可歎也春寒伏審
鈞候多福令器監丞必已超遷次令器萬戶必已回任
相公新除必有成命矣敝州時僚幸多賢民間安靖昨

自相公撫治以來田里晏然盜賊不作十七八年於茲
矣然生齒日繁田收有限雖當豐歲猶有散食於外方
者大德四年至今連歲不熟蓄積俱空上年蟲傷特甚
截長補短僅及半收輸官之餘所存能幾新年雨雪連
凍市無可糴鄉村尤艱且窮原之地舟楫不通春耕在
邇秋成正遙待哺嗷嗷景象蕭索見已告州申省乞行
開倉賑糴惟是下情未由上通耆老百姓知壘素出門
牆懇求呈告不勝大願願相公興念舊嘗親臨整治之

地百姓懷恩靡忘早晚省官會次乞賜鼎言為民請命
左右司官當該省掾併勾不惜一語贊決早與行下糶
糧賑饑使民命獲全免致溝壑流離之苦且以潛消意
外之虞是相公有再造于豐也因倉官齎文解赴省仰
恃鈞愛僭達民情不宣

與永嘉葉教授書

某間從諸公後講論斯文統緒知水心公家學有傳縉
紳左次雅欲立下風考問乾淳文獻而遲莫囚山未獲

布武於堂下殊慙也清才雅望範模盱庠臯比談經多
士德色餘波及鄰而不自知何時親承沾此教雨某家
盱南水雲之村名迹湮微無以自通於時彥適有瑣瀆
不敢以未面為嫌而介吾友趙君以請於下執事曰往
景定咸淳間東浙之英有宰吾邑者相知厚凡二人焉
其一天台陳德可即思道張學士同產兄也別四十年
不相聞心常思之前年忽蒙令代石塘公為轉致其書
念舊甚勤甫具報而聞陳公僊去殊用悵惋其一平陽

楊山立也別亦踰三十年不見聞思之如思陳而亦無
由問訊今年乃知與執事同里也聯姻也某不勝欣幸
幸假便以致書焉一緘奉納儻有專使勾為傳郵他日
更得其回字尤幸干聒匆遽非所宜言然交游情也諒
不為罪稍涼入盱當趨講席以謝

與胡石塘書

願挹光霽有如渴饑都尉經從滿期親炙而偵伺不謹
乃不知夜度昆崙為之悵歎無及伏承志在康濟靡憚

暑行此其視饑由己之思溯千古而與之合世固有在
其位不謀其政肥瘠秦越獨何心乎如公賢勞使我心
敬深以弗獲一見為恨敢奉尺書問安併謝不及候迎
罪

又與胡石塘書

伏審神龍護舟祥鸞棲枳誼當走百里以餞衰晚棲遲
不能以筋力為禮謹奉書以慶以別蘭玉留後當數有
郵便期時貢安問亦望毋愛片幅相溫存也承問僕所

著書大概放正宗例然正宗止乎唐今則專主宋以接乎唐者也獨惜山州屢經兵燬咸無藏書故心雖勤而事不就年時嘗寫與曾兄德進欲於城南尋斗室假羣書日夜繙閱去取度三兩月便可了事而蹉跎至今竟未能動且筆札浩博非募書手不濟又所選文字有關繫朝綱國政者必須畧載當時事蹟首尾以示千載自謂此書若成則三百一十七年間元臣故老鉅儒雅士鴻文大筆雲合星聚粲然不朽於宇宙間或者世道之

小補也東望紫氣神情黯然願以道自珍倚膺特台不
宣

彭正心提舉曾月厓教授祠祀學宮請陪位書

嘗聞古有鄉先生者其存則人咸師尊之其歿則祀於
學禮也先丈某官令德雅望允為達尊掌教鄉校具有
勞績而祠祀未舉是謂缺禮堦承乏攝官爰修曠典擬
以二月朔旦為先丈某官設位於州學之西廡歲時祀
焉夫古人制此禮以待鄉賢蓋慮世代悠遠人事不齊

惟託之學校庶克永久宣聖廟祀萬世不廢即鄉達尊
祠祀亦賴以不廢然則此舉關係重矣豈止尋常辦香
卮酒斯須之敬而已今者豫告有文煩為焚白於家廟
神靈有知庶其來格至日薄奠奉安敢屈昆季陪位諒
孝子慈孫所樂聞伏希照亮

與丹徒陳教諭書

僕家江西君宦浙右信風馬牛不相及也然世好交情
則與君有甚舊者孔李千載猶敘通家况親承尊翁之

訓教而忍自外於象賢乎請陳如左昔景定壬戌癸亥
間尊公雪澗先生之宰吾豐也壘實受廩焉邑士如雲
無一可其意者獨壘以斯文受異知其意氣孚協形迹
兩忘蓋平生未有也別四十年隔二千里嘗相思不相
聞輒為之悽愴不自己忽甲辰夏五建昌教授胡汲仲
轉示尊公癸卯歲所賜書訪問死生哀憐沈浮不啻若
骨肉然壘讀而感感而悲即具箋幅託胡教轉附入杭
亦既久矣一旦忽以書還具言尊公已僊益為之悽愴

不自已又久之乃克奉書自通於執事而就以郡志所
刊尊公題名及政績呈納蓋乙巳年事今者胡教報云
其子至杭已將所附書託劉聲之携至赤城聲之報以
足下已赴丹徒新任囑之守舍者轉附未知達聽覽否
也適有朋友便舟過京口念此良便不可失敬修此書
重申鄙悃大概俛叩前書之到否乃若心所欲言已具
前緘不贅也六十老客光景寢積知此生機緣能獲與
執事一見細論再世情好否又重為之悽愴也有便寄

書餘惟珍重不宣

內幅

南豐先生曾文定公有弟文肅公布嘗為右相出判潤
州既薨後不復歸里留葬京口二百年矣煩為傳詢葬
何鄉村墳墓存否其家子孫田宅猶有世守者否敢望
詳報如有後裔宜與之言南豐先生位下子孫久已零
散有別位僅存其一亦甚淒涼惟累世墳墓菴寺儼然
無恙歲時官為修祭不廢也南豐文集曰元豐類彙郡

守新刊甚整謾知

賀承旨程內翰書

內翰承旨相公閣下春中展敬菴墅辱留款意甚勤光
霽傾懷談到太極昔之親承諸老也嘗若此四十年來
無此樂矣乃始復見於公安得不躍躍自幸山房有約
尤感不遺擬自洪歸即陪杖履乃不意抵洪而病病且
劇滯留元妙凡七旬復不擬銀信鼎來聞命就道當台
斗小駐洪泮時僕正委頓中欲力疾一謁弗克欲奉字

一問亦弗克又安得不鬱鬱自悼也茲審勢坡導旨麟
筆續經眷注彌隆弼諧有待不勝欣贊之至江西自南
豐公被異顧典五朝史事踰二百年無繼者今明公獨
當之平園公由承旨登政府踰百年亦無繼者今明公
將又當之疊是二美重我鄉邦壘雖耄昏尚期書盛事
垂不朽前值端便亟奉此書為斯文大亨貞賀又為吾
道有依託賀也

內幅薦友

墟久安蕭閒官境無夢延平闕到迫使之官雖精力粗
支而舊學都廢安能出新意與俱生談經析理乎徒以
閨地差暖稍便衰殘爾荷令器少尹為我差聲將以菊
後馳驛梅前胝龜輒有片言或足為明公助伏承獨受
簡知提綱史籍甚盛事也然昔之開建史局者往往妙
選時才以自助溫公修通鑑則有劉道原范淳夫諸人
元豐修五朝史則有陳后山邢和叔諸人寶祐修高孝
光寧四朝史則有建昌張平齋與僕族兄劉信翁諸人

蓋不惟集衆思成鉅典而亦因是獎拔一二人才於以
廣豐芑之澤此昔賢愛君盛心也古今異宜固不相襲
而近觀睿旨其間一語亦及於此即未嘗不與古合有
如公門桃李夾袋姓名南金北珠隨取隨有孰敢議其
無人獨以山林耳目所接則前輩不存後進不競其堪
是選者寡矣史非他文比也彼或沈錮於程文流連於
吟咏馳騁於小小文詞安足語此昔人論六經謂尚書
春秋經也實史也則史豈易言歐陽公新唐書世猶議

其不及於舊南豐公禿禿記何媿遷固顏魯公祠堂記
道山亭記直史筆也及夫太祖皇帝總叙則與裕陵聖
頌不契矣史豈易言姑舍是即所知聞略評時材可乎

草廬玉霄已

原缺

相若不堪鞞霜待漏矣若

原缺

寧

海主簿胡汲仲博洽不羣史學尤僅今所罕見夫史者
所以明夫治天下之道垂憲於後世曾南豐嘗謂唐虞
之世豈特任政者皆天成哲士蓋執簡操筆亦聖人之

徒也史豈易言書生好論事老矣習氣不除故論薦至
此幸毋曰子誠齊人也抑又歎景逼崦嵫且固寒喘非
復田光盛壯時使減我數年少操觚翰從諸賢後則識
馬周於逆旅攜浩然于禁中豈無一知己者今已矣尚
何言尚何言引筆姑止是勿罪

水雲村稿卷十一